

近代中國史料叢刊續編第五十二輯
沈雲龍主編

龍江公牘存略

何煜著

文海出版社

有限公司
印行

龍

江

公

續

存

略

范源廉

署檢

甲寅夏間、雲津徐相國方綜政務時、余備位樞堂、奉龍江道尹之命、自維生平賦性庸拙、不諳仕宦、少時備筆蜀中、有屢勸投身政界者、皆遜謝未遑、蓋吾斯未信、內返固難自慊也、癸卯春觀政京曹、適雲陽程雪樓將軍奏調出關、襄戎幕者數年、天門周中丞繼至、亦留贊帷幄、數以邊務相諮詢、維時雲津相國方以欽差大臣總督三邊、禮賢羅士、百廢具興、煜以樛櫟、渥承盼矚、甲寅之外、簡龍江、辭不獲命、蓋亦欲以夙所見知者試諸民事也、溯自重蒞江省以來、深念道尹一職、首在旌別淑慝、安輯地方、於是關於職務所應爲者、率多排衆議、犯萬難、以爲之、如修明吏治、整頓墾務、組設銀行、移民墾荒、籌措學款、修築橋堤、添設縣區、各端皆次第規畫、進行以期得寸得尺、而人情縛於私利、執政憚於更張、錯迕旣

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



多叢話亦紛然集矣、丙辰夏、江省軍官及地方紳耆均與將軍齟齬甚、風雲洶湧、內訌迭興、適煜方因公于役都門、續亦因病辭職、就居京師、靜念舊遊、恍若幻夢、端居多暇、舊日僚掾有以任內抄存公牘檢余者、因擇存二三、聊誌鴻泥、嗟乎、以中央樞相注重邊事如彼之殷、而煜曩在龍江有年、惻悉情形、備諳民瘼、批卻導窾、宜可藉手有爲矣、而乃矻矻窮年、悠悠曩日、其所成就及稍能措手者、乃僅若此、是亦可見地方官辦事之不易也、雖然、政才以歷試而成、陳迹亦隨時而化、區區故紙、庸何足存、然倘以是爲浴政潮之新波、嘗宦海之一滴、爲吾生出現閻浮提世界、問津仕途之初步、焉是亦未始不可留爲他日洄溯塵夢之一紀念也、丁巳春日、丹徒何煜南孫甫

龍江公牘存略目次

會詳酌籌三道行政費由

詳報出巡大賚肇州肇東等處情形由

詳組設黑龍江東北路農業銀行籌辦處擬具暫行簡章請
先行開辦由

詳查覆肅政廳行查高翰臣控趙知事陡翻前案硬奪民產
致釀人命請核咨由

詳查明布西景呈訥東三處均應設治請轉呈由

詳擬整頓道屬學校辦法由

詳查覆肇東縣知事不遵禁令擅放蒙荒由

詳飭屬整頓墾務開闢地利由

詳改擬維持墾務各辦法由

詳取締鄉村各酒店大利盤剝以挽頽風由

詳報移民招待員督墾員採運員等各辦法請備案由

詳大賚拜泉訥河等缺請分別各升等次由

詳訥河魯屯附近推廣招墾由

飭勉僚屬勵精圖治冀臻上理由

飭各屬嚴懲盜匪以靖地方由

飭各屬創辦工藝廠以厚民生由

飭各屬曉諭民間修築礮堡以防盜匪由

飭各屬籌足囚糧整理獄務由

飭各屬調查各處通衢大道安設市鎮詳候核定由

飭各屬招墾應以民招民變通辦法由

飭委調查道屬應興應革事宜由

附單

飭大賚縣省釋高忠起嚴押李太并嚴緝逸犯以重獄政由

飭大賚縣將科員陳松濤勸學員王大中撤差查辦由

飭大賚縣將司法警察財政教育暨署務署規各端認真整

頓由

飭肇州縣認真整飭庶政以期進步由

飭發各屬簡明綱要由

附單

飭各屬嚴禁爭腴佔墾等弊以維荒務由

飭各屬優待實墾戶以促墾殖而恤民艱由

飭各屬嚴禁販荒漁利免生糾葛由

飭各屬種樹由

飭肇東縣迅將吳凌雲控周錦藻以假票誣陷一案秉公訊
辦由

飭各屬司法案件務須親理由

飭各屬整頓地方交通招徠墾戶各辦法限期迅議具覆由
批肇州詳送各項要政表冊仰仍設法進行由

批嫩江縣遵籌變賣旗丁生計地未盡事宜多屬難行由

批訥河縣詳請獎勵警察出力員弁由

批龍江縣民黃致中稟起員將伊等領荒捏名轉賣等情不
准并斥由

批大賚縣詳覆栽樹擬請緩期實屬不合并仰仍栽種洋槐

由

批吳成祥稟稱屯長恃橫奪地等情候飭第七清丈分局斷
結由

批青岡縣詳覆疏濬通肯河辦法由

批孟廣堯請撥荒先墾以爲模範由

批大賚縣詳清丈總局批交公斷案件應照章受理由

批榮子凡等稟請發還原價等情仰仍遵前批赴克山設治

局稟請清厘由

批克山設治局詳送前訥河縣趙知事刑押于洪喬一案于

洪喬報効江錢應卽取銷由

批八旗代表貴亮等稟請飭查訥河二成荒價等情統候省

署主持辦理由

批拜泉縣詳爲青拜兩縣界勿庸照前勘原案以清糾葛由
批肇東縣詳覆劉廷璽荒照情形由

上大總統條陳時事說帖

上大總統開發邊疆拓殖事業說帖

代巡署擬

上巡署變通魯屯辦法說帖

上巡署到江後業經辦理各事節略

致農商總長言勸業各銀行事書

致青岡拜泉各縣言修鑿通肯河事書

黑龍江移山東災民赴江開墾章程

黑龍江東北路農業銀行籌辦處暫行簡章

龍江道禁烟考核章程

訥河縣魯屯督墾員管理墾民規則

道屬各小學校訓詞

道屬各女學校訓詞

道屬各實業學校訓詞

招墾白話告示

招墾四言告示

曉諭魯民六言告示

分發各屬學校購書清單

龍江公牘存略

會詳酌籌三道行政費由

詳爲酌籌三道行政費以立辦事根本事竊維政治之進行視乎財力之豐嗇尤貴因地而制宜唐代道制觀察使控制一方責任本重洎乎元明改道爲省分巡一職承轉文書幾同虛設清因明制更無政策之可言現奉

大總統特定新官制改道尹爲一道行政長官執行道內行政事務凡非一縣所能辦數縣所能辦者皆宜合道區全力以赴之其枯瘠縣分往往因欸絀廢事亦應由道籌出專欸酌盈劑虛方能逐漸發達况江省邊徼孤懸百端待理萬不能因籌欸維艱置要政於不問道尹等按以今日情形所急於籌欸興辦者卽如拓殖

一端最關切要龍江一道如龍江訥河嫩江拜泉等處綏蘭如龍門鎮湯原大通木蘭等處黑河如瑗琿庫瑪蘿北等處皆宜設法赴內省招集相當農民來江墾闢庶有啓發生機此外如修築堤壩以禦水患推廣學校以宏教育擴充警察開墾學田建築工廠提倡實業均爲目前切要之圖次第興辦需款甚多查前項行政經費大而一省小而一縣無論國家地方莫不各籌專款截留開支道尹間於省縣事務甚繁赤手空拳何能辦事若不量爲籌措略有設施實非國家此次改革官制之本意輾轉思維惟有就全省浮多熟地新放生荒丈放時每晌加收大銀幣兩角升科熟地每晌按年加收大銀幣一角商貨雜捐等項統按征收正價加收二十之一各就道內所收卽歸各道地方應用作爲前項行政專

欸如從前各縣局業經呈准加收等欸留爲地方公用者仍照舊辦理不在此限此項附加欸目悉由經徵各縣局隨同正欸一並帶收隨時解由財政廳交中國銀行另欸存儲由道尹等審察情形指定事項編造概算詳請

鈞署核准酌量支撥如此辦理以地方之欸仍爲地方之用且所加爲數無多與預算並無出入揆之本年部定預算奉

大總統批示各省於預算外如能自籌的欸指辦要政亦准照行等語亦極符合道尹等爲整頓地方起見但求欸不虛糜於事有濟卽勞怨亦所不辭蓋灼見夫各縣行政往往因不能集欸致形廢弛又值

鈞座銳意振興豈忍博寬大之虛名致要政多有不舉彼此往復

函商意見相同擬請呈明

大總統批准飭部以便推行實於地方行政有裨謹會同詳請
鑒核示遵施行謹詳

詳報出巡大賚肇州肇東等處情形請鑒核由

爲詳報出巡大賚肇州肇東等處情形請鑒核事竊道尹因公出
巡業將啓行日期詳報並於哈埠將先巡大賚肇州肇東三屬行
程肅函稟陳在案旋於九月十七日由哈乘輪西趨大賚路經松
嫩兩江流域沿岸地畝被水淹沒均寬至二十餘里莊稼顆粒無
望十八日過肇東縣屬之澇洲該處地勢較高受水尙淺前據該
縣詳擬出放街基果能招徠商賈極力經營確係極好市鎮第江
之南岸屬吉林雙城縣界接鄰省地多柳涵向稱鬪匪出沒之區

欲謀地面發達必當擴充水陸警察俾商民居住行旅往來得資保護十九二十兩日經過肇東之四站耗爾套肇州之薄荷台二站大賚之喇嘛廟子白廟子等處窪地居多其被水情形較澇州之東亦重二十一日抵大賚縣輪船停泊地距城之北門六里地名老坎子該縣前數年間卽擬出放碼頭祇以地屬民有磋商未協遂至延擱道尹詳細勘閱該處地處高崗目前爲江水盛漲時距坎上端尙有一丈數尺之譜開作江口碼頭洵屬相宜並據該縣孟知事平聲稱地戶曹姓現因案解送

軍署審辦已由縣逕詳擬將該犯地畝沒收一小部分作爲官有等語其詳細情形容當另文詳陳仍祈

鈞座主持辦理此道尹考查沿江一帶之情形也是日至大賚縣

治一面派員赴鄉分途調查一面就應查各項切實考核查該縣警察所管轄守衛警察水上警察各隊並各派出所馬步警兵等服裝軍械均尙整齊城內大街均設崗位城外江口地方設有巡船布置亦甚周密警察傳習所畢業學兵據縣知事面稱已強半分發四鄉各派出所服務其城內派出所警兵亦有曾經傳習者道尹當卽逐一傳詢或問以違警律文或詢以職守問答平均計算其程度約均在十分三四之間以外縣警察與深合程度之警察比較固屬相差甚遠然以邊縣經費之絀人才之難亦未敢概以嚴格相繩且據調查報告訪諸鄉民僉謂警察緝捕尙勤自孟知事到任兩年以來境內並無大幫鬪匪未始非該知事整頓之力又查該縣保衛團前據擬訂施行細則詳報成立等因在案此

次出巡到境據該縣表列城內設有總團公所一處月支經費江錢五百四十吊城鄉共編爲十一保總計團兵達六百五十八人等語當飭該知事切實整頓認真辦理不得有名無實至教育一項該縣城內其縣立高等小學校暨女子兩等學校均經道尹親臨考試頗不乏聰穎子弟職教各員管理教授方法大致亦尙妥協惟絀於經費難求完全師資又查該縣勸學員長王大中聲名平常屢因私事被人控告並據孟知事自稱該員甚不得力早擬撤換苦無相當之人接替等語當飭令將其撤差迅速另派妥員接辦以資整理並於義務教育費內騰挪欸項優聘高等教員暨組織縣教育會籌辦圖書館多購圖書以資研討而謀擴充顧該縣學務從前已粗具規模若再加以整頓發達尙非難事縣知事

兼理司法事務關係人民生命財產責任極重非處斷公平結案敏速不能贖服人心該縣前因行政事務較繁有時兼顧不及委託第一科科員劉光烈審理案件以致民間嘖有煩言或謂該科員遇事諸多積壓或謂該科員時有徇私偏斷情弊當查該縣自上年六月一日兼理司法起至本年八月底止共受理民刑案件一百八十四起已審結一百六十一起平均計算每月結案均在十分之八偶有稽壓自屬不免至科員劉光烈徇私偏斷一節雖經委員確切訪查尙無受賄實跡而徵之輿論再令辦理司法實非所宜現在劉光烈業經請假離署自應寬免置議並經道尹飭知該知事嗣後所有司法案件務須親自審理隨收隨訊隨訊隨結勿再假手他人致滋流弊又查該縣監獄房屋院落均尙清潔

堅固惟罪犯習藝所尙未開辦仍須籌款建設方可求獄政進步至該縣於財務行政如經徵國家租稅均係按月清解所收地方款項亦係按照預算辦理惟第三科科員陳松濤辦理稅契諸欠妥協輿論頗爲不平道尹甫到大賚卽據孟知事面稟該科員辦理不實縣署已先有所聞正在派員查辦等語當復由道尹添派委員明查詣訪旋查有商號元昇和流水賬簿內註支稅契錢一百廿八吊而查核縣署契稅收入簿內此項則列爲一百零三吊一百十四文顯有不符之處雖是否浮收抑或誤算遽難確定然該員職司經徵核算豈容稍誤隨卽飭縣將其撤差看管澈底根究詳請嚴懲以儆將來此道尹考查大賚各項行政之情形也九月二十八日由大賚乘輪前赴肇州當日晚至肇接見紳商各界

均紛紛以遷城問題請求決定查該縣遷城一案新舊兩城業經
爭執多年甲是乙非迄無定論此次因公出巡自應將各該處利
害情形詳細勘閱當諭令俟將各城鎮分別勘明回省時再行詳
請核定等因去訖一面就該縣所辦行政司法各方面先行考核
查該縣自理司法事務截至本年八月底止共審結民刑案件三
百六十餘起均係縣知事一人親自審理訟獄無滯輿論翕然無
論紳民均一致稱頌不置極爲難得該縣監獄因城基未定卽就
縣署頭門以內廂房門房等處設置房屋雖形狹窄而管理方法
尙稱適宜管獄員傅善賢上年經該知事督飭於公費項下極力
撙節稍有蓄積卽購置機器教授各犯以布疋手巾被面等項織
工自開辦以來頗著成效茲特檢同成績品棹面布一方隨文詳

送用備

鈞覽惟該縣監押人犯每月恒超出預算之數而囚糧預算每日每人只有大洋二分實不敷柴米之資已另摺陳請

飭由高等審檢廳長酌籌挹注辦法以資維持俾免竭蹶又查該縣警察共轄有游擊一隊派出所十八處江口有巡船二支城內亦均設有崗位全縣馬步各警共三百零一人其名額較大資爲多惟歷到各縣考試傳習所各學警多半不甚識字雖將來勉強畢業亦恐終鮮實績此則各處皆同殊難驟期速效現已飭其將識字與不識字各警分作兩班教授其識字者自應教之以文義俾能詳細研究其不識字者亦應將各種課本編爲詞括使其日夕熟誦久之入於耳而得於心自可收殊塗同歸之效該縣居民

蒙站過牛資質極其粗笨若責令將不識字各警一律淘汰亦實非一時所能辦到此道尹於極端困難之中而權予變通之計期可徐圖整飭至該縣教育事項自民國三年迄於今日已增設男女初等小學共十二校保衛團則已將全縣十八區一律組織成立隨時查道游巡殆由該知事孫之忠精心力果故進步如是之速署內用人如內務財政各項亦均能秩序井然有條不紊惟是一縣之大應辦要政如實業交通各端均難視爲緩圖該知事到任後勸令沿江人民釀款修築堤壩共長五十餘里現已修成二十餘里本年江水未爲大患又於老城基通沿江大路勸民修塹建橋略有頭緒當經飭令該知事務將修路濬溝種樹各項切實督率操辦無得稍涉疏懈致有始勤終怠之弊此道尹考查肇州

縣各項行政之情形也。十月初四日由肇州啓行，先將該縣新城基地形詳細勘閱。查該處西南距松花江不過數里，交通本極便利。惟距城里許，均有高岡。當日崇前廳綬不修城於高岡，而置諸最窪之點。一遇江水漲發，全城遂成澤國。此老城基商民所以屢次力爭遷移縣城。查設治以來已十有餘年，而新城基街道崎零商務亦極蕭索。發展不易，已可概見。况由新城基赴老城基大道，步步泥塗。一遇陰雨連綿，交通遂爲隔絕。郵遞難通，傳案不便。種種窒礙，何可勝言。現雖經該知事督勸商民集款修建橋堤，而至今工程未竣，收效尙鮮。以一縣行政機關，置於極不便利之地，其利害不問可知。是日晚由沿江行抵該縣之老城基，當未抵老城基之十餘里前，突起高岡，天然形勝。此岡直到鐵路均未低

伏當將老城基細加查勘。查該處距新城基六十里。距甜草崗一百四十里。地處高原。形勢宏敞。城基寬長各三里有餘。市面均已修齊。現有商舖計六十餘家。因城基未定。尙在觀望之間。然已較新城基形式發達多矣。以該處未設官而建築如此。新城基設官十年而建築如彼。尤可概見。且該處東達火車站。一日可到。西南赴江口。僅半日程。運輸亦不致遲滯。而東西北三面人民赴城。則較沿江便利實多。如以新舊兩城互爲比例。則新城基之利。不過濱臨江岸。水程較便。至老城基。則於行政司法以及農商各業。縣官下鄉種種皆有益。此可斷言者。惟將來如移老城基。則沿江必設縣佐。以資維繫。因兩方紳民各爲私利。爭執殊烈。甚且持槍械鬪。此次小有風潮。經該知事彈壓解散。愚民狃於自私。殊深太

息雖經道尹切實開導諭以不得各持私見然人各爲私且難免煽惑之徒從中播弄嗣後尤須縣知事設法隨時剴切曉諭庶可釋然旋又於十月初五日行抵該縣豐樂鎮地方該處商民亦紛紛稟請擬將縣城遷至該處查該鎮商務雖已發達惟距離新城基稍遠地勢較偏且新舊兩城爭端尙未平息三道崗子又以移城彼處爲請若再舍新舊兩城別開生面恐肇民之爭競更不知伊於胡底第此案旣已遷延多年自應詳細酌定以規久遠而謀發達究竟應否速爲遷移抑或俟

鈞座出巡時察核情形再行酌定之處應俟

裁示辦理此道尹考查肇州縣新舊城基之利害情形也十月初六日由豐樂鎮行抵肇東縣城當往道立師範學校詳加考查地

勢寬敞形式尙稱完全教習中多能認真授課當勉以注重精神上之教育勿徒存模型致虛歲月至各行政事項到縣之初卽據該縣新任段知事國垣面稱賀前任良楫交代尙未清楚一切簿籍紛如亂絲當催該前知事將簿籍交出先就已交各件及警學各項顯而易見都分別考核查該縣保衛團尙未組織成立其警察教育兩項或面加考驗或試以課程大致與大賚肇州兩縣無甚殊異而警察服裝不整學生程度尤差監獄則過形狹小良以設治之初未曾另建僅以大門內廂房寄押不免簡陋過甚惟司法事件無多每月受理民刑訴訟不過廿餘起是以監押人犯尙不十分擁擠已飭設法另建監獄以期堅實徵收事項外間略有煩言調閱各項案卷尙無何種弊竇惟據佃民吳凌雲稟控前驗

契所股員周錦藻暨書記梁鴻起勾通舞弊以假票抵換真票致伊辦罪一案其中頗多疑義查吳凌雲原領荒地二百七十晌業經開墾多年強半成熟縣署均有原毗連冊可查上年三月三十一日吳凌雲遣弟吳凌貴持墾務行局舊票赴肇東縣驗契投驗經股員周錦藻等驗明填給該所一千零四十八號執據去訖忽事隔數日縣署派警將吳凌雲傳案諭以信票係屬偽造直至本年四月八日乃將吳凌雲判處三等有期徒刑三年在案適此次道尹出巡到境查視監獄始據該吳凌雲稟控前情查吳凌雲地畝縣署既有圖冊可據其非冒認可知如果該民將原票遺失何妨聲請補發執照如謂該民已將地畝當賣何以一年之久尙無買主出頭認地如謂該民赴所投驗時卽係執持假票而查閱卷

中假票凡人名地數銀數及互保姓名均係刻成宋字以黑填朱且年月處無印。凡經理稍久者雖愚駭亦到眼即能辨別。何以不於當時扣留而竟填給執據。迨及數日之後始指爲偽造。傳案究辦。查核種種情形。是吳凌雲所稟各節雖未可遽信。亦不能謂爲無因。當已將周錦藻梁鴻超一併發交段知事看管。並飭由該知事澈底查明。務須秉公辦理。以期折服。此道尹考查肇東縣各項之情形也。以上三縣道尹每至一處必訪之輿論。證諸事實。或親出查訪。或派員詳查。據爲考核之資。除肇東縣知事段國垣甫經到任例免加考外。其肇州大賚兩縣合觀之。自應以肇州縣知事孫之忠成績爲最優。分言之。則大賚從前行政亦實有困難情形。緣該縣歷任辦理學警積虧至十數萬餘吊之多。地方財政凋敝。

異常自孟知事平到任後始漸次設法彌補至今地方欸項出入相衡尙可有盈無絀非銳志籌畫何能漸收成效至因事務繁劇於用人行政偶有監察未週亦屬勢所不免道尹竊謂考核屬吏自當取其大端舍其小疵庶成績優美者益加奮勉圖功其次者亦有所觀感羣加振作至肇東前知事賀良楫業經調省應由另案查核詳覆竊維各該縣均係沿江而治地多平原除地方之大害莫過於疏渠築堤先平水患與地方之大利莫過於勸農捕魚從事實業其餘如養林牧養各事亦在在均待提倡道尹於所至各處接見紳商士庶不惜苦口勸導均尙知實業之利益豐樂鎮呂紳於街面種樹甚形整齊已面加獎許勸令賡續推廣辦理並分飭各該縣將各要政務須實力經營嚴切整刷毋得徒託空言

以仰副鈞使殷殷求治注重地方之盛意除俟各該縣詳復到道再行陸續詳陳辦理外所有道尹出巡大賚肇州肇東等處情形理合鈔粘飭各縣整頓各政原文并另附肇州城基情形手摺縷晰詳請

鑒核批示祇遵再回省時由昂站就便赴札蘭屯查視該處東接布西轄境西與濟沁河地段毗連山環水抱層層繚繞每週圍四山必有平川水秀山明無異南中風景祇以山內索倫滋擾故商務墾務難行發達若跨鐵路速行建官設治分別多駐軍隊則影響所及布西濟沁等處荒務皆易繁盛倘再棄置則已有街市皆將零落盜匪滋多墾務阻滯建置規畫勢難緩圖應再另文陳明謹詳